



Gründtliche Entdeckung, der Kron Franckreich gegen ihren Inwohnern, unnd besonders den Parisern, aller der Anreizungen unnd Ursachen, auch darausz bisz daher erfolgten, unnd noch erfolgenden Unheils verderben, und endlichen schrecklichen Undergangs ... : sampt angehengten erheblichen Motiven unnd heylsamen Mitteln, warumb, unnd wo durch sie von irem bösen Fürnemen und Rebellion billich abgeschreckt werden ...

<https://hdl.handle.net/1874/388953>

Gründtliche Entdeckung/

Der Kron Frankreich
gegen ihren Inwohnern / vnnnd besonders
den Parisern / Aller der Anreizungen vnnnd Ursachen/
auch darauß biß daher erfolgten / vnnnd noch erfolgenden vnheils verder-
ben / vnd endlichen schrecklichen vndergangs / So alle Franzosen zu vor-
derst aber die Pariser bei diser ihrer Rebellion / auffrühr / vnd widerstand
wider den König ihr ordenlichen Natürlichen Herrn vnd Ober-
keit / albereit erlebt vnd forter wo sie sich nit bekeren werden /
vnzweiffellig zugewarten haben /

Sampt /

Angehengten erheblichen Motiuen vnnnd
Heylsamem Mitteln / Warumb / vnnnd wo durch sie von
irem bösen Färneffen vnd Rebellion billich abgeschreckt werden /
vnd sich vnder des Königs gwalt vnd gehorsame begeben /
vnd förderlichen einstellen solten.

Allen den / so dieses betrübtten Königreichs zustand vnd
rüttung mitleidentlich angelegen / zuerkklärung des grunds / diser so schäd-
lichen Seuche / auch warnung / sich vor dergleichen Practicken vnd hin-
derlisten der vermeintlich heilig verbündenen vorzusehen /
vnd zu bewaren / dienstlich vnd vorstendig.

Auch zu wolffahrt vnfers geliebten Vatterlands Teutscher
Nation in der selben Sprach / auß dem Französischen
vbergesetzt.

Anno M. D. LXXXIX.

Large block of mirrored handwritten text, likely bleed-through from the reverse side of the page.

Second block of mirrored handwritten text, continuing the bleed-through from the reverse side.

Third block of mirrored handwritten text, continuing the bleed-through from the reverse side.

Fourth block of mirrored handwritten text, continuing the bleed-through from the reverse side.

Gründtliche Entdeckung der Kron
Francreich gegen ihren Inwohnern/
vnnnd besonders den Parisern oder Franz
osen.

Darinnen jr verderbung vnnnd vndergang/ wo sie
sich nicht bekehren/ vnnnd an den König ergeben/ an tag gethan
wird/ sampt angehenckten mitteln vnnnd erheblichen Ursachen/
warumb sie von irem bösen fürnehmen vnd Rebellion abste-
hen/ vnd sich vnter des Königs Gewalt vnd Gehor-
sam widerumb einstellen sollen.



Gedünck mich / liebe Herren/
Das/ so die Thorheit / wie die Trunckens-
heit / die feuchtigkeit zu verzeren vnnnd zu ver-
darnen / ihre regulirte Access zugang / vnd ge-
wisse zeit hat / Das jeso gute gelegenheit vnd
an der zeit ist / das ein jeder vnder euch in sich
selbs gange vnnnd erkenne / gleich wie jener so
beweint vnd schlaffend dem Wolff in Rachen getragen worden/
vnd sich vor dem gefährlichen vnersättlichen schlund / in welchen
euch jekund die Lothringische Hurnus gestürzet / hütete. Lieber be-
dencket / was es vff dismal für ein Gelegenheit mit euch hatt / vrs-
theilet das für haben / bey seinem vfgang / vnd diese sache bey ihrer
würckung / vnd erforschet den anfang des zettels dieses öffentlichen
betrieglichen spiels / Erkennet ewer blindheit / vnd Irthumb / vnd
bekennet / das des Blysses Gesellen durch die zauberey Circe inn
der gestalt / wie jr durch ire geschwinden betrug / herumb geführet
worden. Es ist nit mehr zeit sich / gleich als ob man diese Kranck-
heit nicht empfinde oder derselben keinen verstand hette / also alber
vnnnd einfältig anzustellen / sie ist sehr groß / ja tödtlich / die unsere
tage augenscheinlich zu vnserm endlichem verderben vnd vnder-

Gründliche entdeckung der Kron Frankreich/

gang führet. Erinneret euch der zeit/ als jr giffi euch erslich getroffen/ Vnd durch was thüren sie das innerste dieses Standes durchtrungen. Es ware/ sagt man/ zu handhabung vnnnd beschirmung der Catholischen/ Apostolischen vnnnd Römischen Kirchen/ das malu/ als dieses Königreich in grösserer stiller ruhe vnd friede/ vnd die Catholische Religion inn voller flor war/ als die falsche forcht/ welche die Succession vnnnd nachfolge dieses Standes belangte/ noch fern war: Damaltu/ als die von der vermeinten reformierten Religion eingezogener/ vnd vnder des Königs Edicten fest gehalten/ vnd alle Stände des Königreichs besser bestellet vnnnd geordnet waren: Zur selben zeit hat sich dieses Lothringische Spiel angespinnen/ sein anfang war bey leben vnd gegenwertigkeit des Herzogen von Aniou noch schwächer/ welcher sein auffgang vñ zunehmen verhindert vnd gedeimmet/ Man weiß wol was für mittel/ solche ver hinderung auffzuheben/ gebraucht worden/ Das fürnemmen des Saisede/ seine anlag vnd seine bekantnus werden dessen zeugnus geben/ Letzlich hat dieses Fürsten vergiffung bis in Paris practiciert. Als nun dieser grosser Donner Schlag geschehe/ ist dise pandora von stund an vnter vns gewapnet gangen/ die hat als bald die gemeine ruhe verwirret/ die klarheit vnserer zeit verändert/ vnd als sie ire zäuberische büxen geöffnet/ hat sie jr giffi auff alle Stände vñ Ordn dieses Königreichs außgeschüttet. Da hat man als bald gesehe das Volck zittern/ die Vnderthanen murren/ Die Prouincen sich auffzuwerffen/ menniglichen wäten/ vnd alle ding zu einer offnen Rebellion vnd auffruhr zuschieken. Vnd laßt sich ansehen/ daß Gott dise hellische Nachrichten zu seine heimlichen straffen/ vnnnd gemeiner ruthen/ damit er die Hoffart vnnnd Sünde der Fransosen straffen wollen/ geordnet habe. Die von Guise/ welche dieses Vbels anfangen/ vnd dasselbig nirgend anders vmb/ dann vber solche Brucken ihr glück auff den obersten Spitz der Monarchie zuführen/ vnd diesen stand einzunehmen/ erfunden/ Die haben tag vnnnd nacht gearbeitet/ damit sie allenthalben den eingang offneten/ vnnnd ihre wirkung desto stärker machten

gegen jren Inwohnern vnd besonders den Parisern.
machten. Also/ daß man von da an gesehen/ wie von einem sub-
tilen Donner Schlag ganz Franckreich als bald vnd in einem au-
genblick angebrennet/ vnd die Krieg zu allen seiten angezündet
worden: Die vrsachen dises auffruhrs/ waren auff die gewönlis-
che außballierte schein der Malconuenien/ auff den gemeinen nutz
vnd den eyfer der Religion fundirt/ aber solch gift ist bald/ durch
den darauff geuolgtten frieden/ vertrieben worden. Dann die an-
gemaste sorgfältigkeit des Volcks ist in jren selbs eigenen schaden
verkehret/ Alles was zu ewerer ergeßigkeit diente/ ist mit Füßen
getreten/ Auch der vnfinnige eyfer jres gewissens/ so in jnen Her-
zen gebrandt/ ist durch die trähen vnd des Volcks schaden selbs
wider vernewert vnd frisch gemacht worden/ vnd alle Wind so
zu jrem gemeinen nutz vnd wolstand dienten/ die haben durch dis-
ses arglistigen Fuchs verschlagene stücklin auffgehöret.

Sehet wie sie es hernach weiters außgefüret/ wo ist das grosse
Heer/ so dem Herzogen von Mayne vnter seine Hand gegeben/
hinkommen/ damit er den gansen Erdbodem/ wie er sich sehr ge-
rämhet/ hernider schlagen wolte/ Er hat euch wol zu verstehen ge-
ben/ daß wider Kriegshleute jr vnzeitig rühmen/ nichts dan glücks
geschrey vnd Kinderspiel gewesen/ vnd daß sie geschickter gewes-
sen/ jre Practicken vnder dem Böffel anzurichten/ dann sich mit
den Feinden zuschlagen. Vnd als sie gesehen/ daß sie wider die
Hugenoten nichts vermöcht/ haben sie dieses gefährlich sechten
auff ein ort gesetzt/ vnd sich wider auff jr vorige sacht vnder das
Volck gelegt / innden Stetten der Pfaffen Affenspiel/ nach-
zumachen / grosse Paternoster am gürtel zutragen / den ge-
meinen Volck offtt das gesegnete Brot mitzutheilen / sich jnen
gleich zu stellen/ vnd in allen Processionen vnd Creuzgängen ge-
zieret/ zuz finden / vff daß die Natur des Volcks/ gleichsam durch
solche schmeicheley erweiche/ vnd in solchem gifte wolerhoffen/
mitleiden mit jnen trüge/ durch welche Künste es mehr ingenom-
men/ vnd sich weniger für solchen listen versehen möcht. Vnd
damit sie nichts/ das Volck desto mehr zu jrem gunst zubringen/

Gründliche entdeckung der Kron Frankreichs

vnderliessen/haben sie die ordentliche Prediger eingenommen/den
 jenigen/ die nur ein Pfarr hatten/ Bischothumb/ den einfältigen
 Caplanen/ Pfarzen vnd Prioraten/ den andern ire gewisse Pen-
 sionen verheissen/ dermassen/ das sie/ vmb solches nutes willen
 corumpirt vnd bestochen/ auß Sorbonisten öffentliche verhezer
 vnd ansüffter/ auß Pfarherren Frommelter vnd außruffer des
 Haus Lothringen/ vnd auß ire Cankeln vnd Predigstülen seynd
 schulen der Weltlichen Händel worden.

Last euch/ liebe Herren/ nach länge eingedenck seyn den tag
 darin alle gassen versperret vnd verschauzt gewesen/ da jr klärllich
 gnug des Herzogē von Guise gemüt verstandē/ welcher vnter dē
 schein zwölff oder fünfzehn böser bubē/ vnd seiner practicken vn-
 terhändler straff vnd züchtigung zu verhindern/ euch in rüstung
 gebracht/das jr euch dem König widersetzet/da er euch durch ein
 grobe mißhandlung seiner Parthei anhängig zumachē/ wie auch
 beschehen/gelegenheit gesucht/vnd euch jme durch solch grausam
 laster/darzu er sich ewerer einfalt gebraucht/zuverbindē/da er solis-
 stiglich ewer vngestümigkeit gewußt zuscherpffen/dz jr den narren
 Kolben getragē/vnd euch vnschuldigliche wider ewer Vatterland
 vnd ewren natürliche fürsten zur wehr zugreifen verhezte. Lieber
 sagt mir/mit was vnuerschampter stirn kan das verthädiget wer-
 den/ so er damaln vnter euch/vnd gleich als in eines Feindes statt
 die newlicher erobert begangen. Er hat alle Festungen eingenommen/
 vnd mit grosser vngestümheit des Königs Diener/so dieselbigē ver-
 waret/heraus gestossen/alle Amptsverwalter vnd Hauptleut d
 statt verändert/newe besatzung darin gelegt/die aller verleumbste
 vnd bößesten Buben gewapnet/kürzlich er hat alles gethan/was
 ein newer Tyran/sich wider einer statt saktionen zubefreyen thun
 kan. Vnd dieses alles war nichts anders dan gut Catholisch sein/
 das war nit wider den stand gehandelt/ nicht allein das nicht/son-
 der es war ein schneidend schwerdt in der hand/ mit Hoffarth vnd
 halbstarrigkeit König seyn. Aber wer kan diese vnuorschampfte
 verwirung dulden/ wann ich gedencke das er noch ein so natürli-
 cher

gegen ihren Inwohnern/besonders den Parisern.

cher seiner Gesell gewesen/vnd in allen Städten des Königreichs befehlen dörfffen/ daß sie den König nicht auffnehmen solten? da er jme gleichsam feuer vnd wasser vntersagen/vnd zwingen wolten/ mit schanden brot zuheischen.

Ich weiß lieben Herren nicht / was für ein seggen oder beschwörung euch auß dieser verzauberung reissen wird können/wann alles nichts helffen wil. Aber setzet die sachen so sich biß in seinen todt verlossen hinzu/schawet wie er sich gegen den Ständen zu Blois gehalten. Dann da der König dise versamlung hoch von nöten zu seyn gemeint/damit er alle vnordnung des Reichs abschaffte/sein Bolet zu frieden stellet / vnnnd sich wider die öffentliche Practiken dieses künen vnderwinders beschküzte/vnnnd inn eigener Person daselbst erschienen / ist er erkummet/da er vermeint mitten vnter seinen Vnterthanen zuseyn/ist er allerseits mit Feinden vmbgeben gewesen/welche heimlich seinem leben vnd Stand nachgesetzt / vnter denen der Herzog von Guise das Haupt vnd Führer gewesen / welcher öffentlich vnnnd one schewen das so er vermöchte / gethan/damit er ihne so weit brächte / daß er nicht mehr gewalt/vnd so lang jme gefällig were/hette/ da er nicht mehr diffimulirt/als jener welcher die Art / an einen grossen Eickbaum/denselben abzu hawen vnd zu boden zuwerffen/gelegt hat. Vnd als er sich allerdings/sich des armen Fürsten zumächtigen vnd im Triumph nach Paris zuführen gerüstet/da hat Gott/welcher der Vngerechten fürnemmen entdecket/vnd offte einen / so ein weite Reise fürgenossen/für seiner Thürschwellen nider würfft / diesen grossen Jäger kurz angehalten/vnd hat jme der gleichen Vnbarmhertzige Freunde / gleich wie er blutdürstig vnd Vnbarmhertzig gegen den armen Religions Verwandten gewesen / erwecket / Dergestalt daß dise Conspiration durch GOTTES Fürscheidung geoffenbaret / vnnnd der König nur einen tag derselben fürkommen / also / daß er zu Verhütung für Augenstehender Gefahr / die Sach von der Execution vnnnd mit der that angreiffen

Gründliche entdeckung der Kron Franckreich

zugreifen/wie in dergleichen fälle gebreuchlich/getrungenlich verursacht gewesen. **S** wie sind die vrtheil Gottes so groß / das / ver/welcher am grosenbluts tag / an dē feurige Tag **S.** Bartholomei seine augen in so vil Massacren erlūstiget / vnd darüber triumphiret / endlich mit gleichem gewalt erlegt ist worden. Dieser Tod scheint vnter euch als ob er alle Wasserbronnen eröffnet / alle Küsgelder Hellen zerrissen / vnd alle feuer des zorns vnd Rach vber disen erbärmlichen stand außgossen habe / vnnnd jr besessene vnnnd vnfinnige leute nemmet hieupon gelegenheit / wie ein flame / damit das feur vnder euch anzuzünden.

Es ist hie nicht zeit / das ich vil vergebentliche reden thue / anzuzeigen das der König recht daran gethan / vnnnd das er nichts anders kont hat thun / vnnnd das ers also thun müssen / dauon anderswo: Aber doch wil ich euch im füruber gehen das sagen / Das der Pappst Gregorius leztmals greulich gewesen / Dann er / welcher seinehend seinem stand nach solte rein / vnd one Blut besudelt halten / hat nicht desto weniger durch seine Bulle one einige form vñ ordnung der rechten / des Herrn Patris weiland des Cardinals zu Armignac Statthalter greulich hinrichten lassen / darumb daser nur ein argwon von jme geschöpfft / als ob er zu Auzgnon der Franckösische Parthei gönstig were gewesen / Der Herzog von Mayne hat sich nicht viel bescheidener gegen dem armen Birague / seiner Parthei getrewesten Diener verhalten / welcher in umb einer geringen Vrsach willen mit eigener Hand vmbgebracht hat. Vnd ob schon der König in diesem etwas vnrecht gethan / solt jr darumb darüber erkennen / vnd gleich als wanwüthige vnd dolle Bachus Brüder zur weert lauffen / vñ euch wider in vfflehn? Dann es ist gewis wo alle andere Prouincen wegen seiner vnzimlichen misbrauchten freyheit etliche erhebliche vrsachen wider in hetten / so seyt doch jr durch derselben schaden reich / vnnnd ewer statt / gleich wie ein Schwamm durch gemeinen vntergang groß worden / vnnnd seine gegenwertigkeit vnnnd stete beywohnung seines Hoff hat in zehen tagen ewere Reichthumb dreyfach gemes

b. ragur 16
vmbbracht
gung

gegen jren Inwohnern/vnd besonders den Parisern.

ret. Das hatt euch dann zu einer schändlichen auffruhr gereiket?
Ewer eigener schaden hats nicht thun können/gemeine verletzung/
oder sonderbare schmachē seynd/keine gewesen/noch vil weniger ei-
niger schein der Religion: Euch gebürt die Raach des todts nit/
das Gebot Gottes verbeuts euch/ alle gefas vnd recht streiten dar-
wider. Was kan dann für ein Ursach sein so grosser bewegnus
vnnnd vnfinnigkeit? Nein/Nein/ Gott hat gewolt/glaubt mir/
euch mit ewerm eignen Schwerd vnnnd selbs Handen hinrichten.
Ewer Bosheit hat jre volle mas bekommen/der bracht vnd vber-
flus ist zuwil gemein bey euch gewesen / ihr seydt dem gewin vnnnd
armer Leut schaden zuwil nachgehenckt/ vnnnd habt mühsig inn eu-
wern wollüsten geschlaffen: Ewer Hoffart vnd ewer Reichthum
habē gemacht das jr Gottes vergessen/vñ er hat euch in verkeren
sinn geben. Lieber betrachtet ewerer stadt/der aller weiberümbsten
vñ reichste in Europa/zustand/in was hand vnd vnter welche Gu-
bernatorn ist sie kom̄en/vnd so jr alle wilde Thier in der wüste auß
Africa ewer Stadt Volck los vnd öde zumachen beruffen lassen/
hetten jr auch jren Vntergang vnd Verderben ehe befürdern kön-
nen? Vnd so jr dise Jaghund recht beschawet so werd jr befinden/
das es nur die jennigen seynd / die von Haus zu Haus gangen/ die
Wässernoch berochen / Hund vnter der Deckig vnd im schlacht
haus gewesen/der wust vnd geringste vnflut ewer Stadt/ deren
eins theils dise Festung/die andern ein andere eingenommen/ da-
mit sie wider den gewalt des Magistrats gesichert seyren/vnd men-
niglichen vngestraft bländern vnd beraubē mögen. Schäm̄et jr
alte Bürger vnnnd Rauffleut euch nicht die jr ewre Güter durch
redliche mittel gewonnen/besizet/ vnd den besten vnd vollköm̄sten
ort der Stadt machet vnd zieret / die jr ewere Haushaltungen
anders nit dann durch gute Ordnung vnd Policen erhalten köns-
net/das jr diese staubige Bettler vnnnd reissende Wölff vnder euch
duldet/ vnnnd das jr nit alle zusammen kommet ewer Stadt von
solchen bösen Buben zu seubern vnd gemeine ruhe zu erretten.

Dann die warheit zusagen/ ewer Stadt ist jehund wegen sol-

Gründliche entdeckung der Kron Frankreich

cher Leute gegenwertigkeit ein new Egypten worden/ da aller vns
 lust/ öffentlicher Raub/ vnd rangionieren begangen würd/ Bes
 ginnit euch nit zu vnwillen vnd zu sperren/ wann jr solche öffentli
 che Harpiæ vnd Raubvogel vor ewern augen sehet/ den Com
 missari Lauchard/ den La Rue/ den Clerc/ Dhuier/ Senault vnd
 ire Gesellen/ die on längst pflasterer vnd arme Bettler gewesen/
 wann sie vnter euch spaceren/ mit vilen welche durch blünderung
 der besten Heuser bereichet seynd vmbgeben vnd geleitet? Aber so
 euch ein frembde erstummung also eingenommen/ daß ihr nichts
 empfindet/ vnd euch der vntergang ewer benachbarten/ euwerer
 Nribürger vnd so vil guter vnd redlicher Leute nicht bewegen
 können/ so thut doch die augen vber euch selbst auff/ vnd sehet ewer
 eigē gegenwertige verderbung/ vrtheilet wie lang ewer vngestüm
 blutig/ verkehrt vnd voller Vngerechtigkeit Regiment weren
 kan.

Wie lang die Respublic vnd der gemeine nutz bestehen kan/
 da alle Ordnungen vnd Stände verkehret/ Das Recht geschwe
 chet vnd beslecht/ die Laster vngestraft hingehen/ der vnschuldig
 vntergetruckt/ vnd gewalt regieret/ Da der Magistrat one gebot
 ist/ die Vnterthanen one Gehorsame/ die Befehl entwehret/ vnd
 fromme Leut one Ehr/ vnd da die geringsten vnd lossfesten Leute
 befelen? Wann nun alle dise betrachtungen hindan gesetzt werden/
 wo gedencet ihr hinzukommen? meinet jr euch stark genug seyn/
 den last so viler Kriege so ihr auff euch geladen/ zu ertragen? euch
 einen solchen mächtigen König dem gewaltigsten Obersten ganz
 gen Europe/ der ganzen Ritterschafft/ vnd allen Regimenten in
 ganz Frankreich/ aller macht in Teurischland/ Dennmareken/
 Schweden/ Engelland vnd Schottland/ zuwidersehen? Sehet
 jr nit daß alle dise Heer wider euch außziehe/ vnd daß euwer Statt
 der Schawplas seyn wird/ da dise grosse Tragedi wirdt gespielt
 werden? Was dan? meinet jr nit das dicandere Stätte so sich nit
 euch verbunden/ euch zu hilff kommen werde/ jr betriegt euch selbst/
 gedencet daß der selbigen jede in diesen offnen gemeinē brand sich
 selbst

gegen jren Inwonern/vnd besonders den Parisern.

Selbs zubeschirmen/vnnd zuerhalten genug zuthun wirdt haben/
vnd andern benachbarten wenig zu hülff wirdt kommen können.
Sicher erweget/in was zweiffel werd jr euch verwickelt sehen/waß
jr jederzeit vor der Thür beyde Heer der Feinde vnd Freunde ha-
ben werd/ Dann alle macht so der König wirdt zu wegen bringen/
die wirdt er an euch wenden/ als durch welche eroberung er seines
Reichs erweiterung/ ehre vnd herrlichkeit/ vnnd seines Kriegs be-
lonung erlangen wirdt/vnder welchen jr euch nit beschirmen köndt/
wo jr nicht stets ein grosses Kriegsvolck zwischen ewern Mawern
erhaltet/welches euch so wol als der Feinde hinrichten vnnd auff-
reiben wirdt. Wo werdet ihr inn solcher eusserster not ewer hoff-
nung hinfeset? jr werdet euch sagt mann/vnter die Flügel der Spa-
nier begeben.

Ey wie ein freundliches umbfassen vnd herschen? Aber glaube
mir/sie werden sich noch vil lieber zwischen die Arm ewerer Weis-
ber legen/dann sie seynd Africaner/ Bazanes/hitzig/subtil/ vnd
die ohne zweiffel jhrer sachen vnder euch wol werden inn achtung
nehmen/vnd das wirdt eine hübsche Mixtur seyn eines Parisia-
ner vnd Spaniers/ Einer jungen Dauben vnd eines Weihen/
eine schöne Gesellschaft eines Fuchsen vnd jungen Gans/ Ir ar-
me Leut wann ihr des Spaniers art wisten/so wurden jr ehe zum
todt dan zu jrer zuflucht lauffen/so bald er ein Fuß in ewer Haus
setzet/so habt jr ein vnuerträglichē meister/ ein gewissen härer/ein
vngestümmen Ehebrecher/ einen vnbarmerhizigen Tyran/ vnd
an statt eines Gasts einen Wolff. Wisset wie sie sich inn Indien/
Portugal/ Flandern / Italien / vnd an allen orten so weit sich jr
Reich erstreckt/verhalte haben Fragt die Meyländer vñ Neapo-
litaner/wie süß jr herschung ist/Fragt die in Flandern/welchewe-
gen jrer bösen sitte vnd vnuerschamptē conuersation/nichts dan
grosses vbel vnd starcke besatzungen vberig behalten/ Erweget die
Vngleichheit diser beyder naturen/ Der Fransos ist liberal vnd

Gründliche entdeckung der Kron Frankreich

freygebig/getrew/freundlich/mannhafftig/höflich vnd ein liebhaber dereinfalt/der Spanier ist hoffertig/geizig/grausam/n eidig/argwönig/obermütig/ruhmsüchtig vnd derenwegen gar nit mit einander zu vergleichen. Wo er nun einmal vnter euch wird einmisten / so behüte Gott ewerer Frawen Ehr/ gemeine Tugenden/vnd Ehrlichkeit/ewere Freyheit vnd alle ewere freide/ als bald wird die Inquisition bey euch seyn/ vnd nach dē einer vil oder wenig guts besizet/ nach dem wird er des glaubens halben vbel empfunden/ewere schöne Weiber vnd Heuser / werden stets mit Kezeren beschwert werden / ihr werd wie Saumesel vnd arbeitsetige Friesen seyn/hin vnd wider in die Städte zu hoffdiensten/vnd geringster arbeit außgetheilet werden : Ir werdet bey tausenten in Indien das Gold zu graben/verfüret werden / ewere Thür vnd Thor werden mit ewern Köpffen geschmückt seyn / alle Ingang der Stadt werden mit öffentlichen Galgen für euch gezieret seyn. Ich bitt euch fraget nach wie vil tausent Menschen sie in Indien/ in Portugal vnd in Flandern umbbracht haben/ Man sahe in offene plätzen nichts dan viertheil von zerhawenē Menschē/zerteilte Körper / psal von Blut trieffend/öffentliche zeichen von Menschen fleisch. Wo sie vnter dem pretext der forcht vnd wütereij nit werden zukommen können/ da werden sie die Leute vergifften/ das sie ire weiber freyē/vnd ire gütter vnd Heuser besizzen mögen: Darumb sehet mit was Leuten jr in solcher zweiffelhafftigen sacht thun werd haben. Aber jr geben für der Papsst hats euch geheissen / der hab euch jme vbergebē/ vnd ewer Gewissen verpflichtet euch zu solchem. Ir arme vn Sinnige Leut/ es ist grosser schad das er euch nit dem Teuffel gar geschenckt/ die weil jrs recht heisset das er mit euch wie mit seiner Juden Cabalen/ oder mit seiner Courtisanen vnd Mäßen tribut umbgehet/ Aber weil jr ein waar zuvertauschen vnd guts kauffs seyd/ so wird S. Peter noch besser thun / wann er euch Ballen vnd Bürden weiß auff den Sand in Morean vnd Egypten schicken/ vnd dafelbst den Türcken vnd Moren verkauffen wird: Da er auß euch noch mehr dann ab dem

König

gegen ihren Inwohnern vnd besonders den Parisern.
König von Hispanien lösen kan. Was für ein Gespötte ist das
menniglichem? Was würde jetzt Philippus Augustus/ Philipo
pusd' schone/ Ludouicus der zwölffte/ fürtrefflichste vñ aller Cha
tholischsten Könige sagen/ wann sie wider leben solten/ welche zu
ihren zeiten der Pabst hochmuth so fein gezüchtiget? Was für ein
Vnglück ist's gleichsam von Gott vber die Christenheit verhen
get/ daß dise Erbare Statthalter Gottes/ Sackeln der Ehrgeiz
seynd/ vnd das Veld darauff ratte vnd ewige vneinigkeit vnter
den Christen wachset/ Welche man von einem Alter zum andern
nicht in Würdigkeit hinten auff den Schiff leuchtend/ sondern
als Granaten oder ein Fehring ganz Europa damit anzuzün
den/ vnd allezeit Krieg zwischen den Christen zuerwecken/ gese
hen vnd gespüret. Sie haben in fünffhundert Jahren hero genug
sam erwiesen/ daß sie die Schlüssel von S. Peters Succession
haben/ nit den Himmel auffzuschließen/ Gnad vnd Segen aufzu
theilen/ sonder alle Schatz von Orient vnd Decident zusammen
zuscharen vnd alle Reichthumb der Welt zu blündern: Daß sie
Gewalt empfangen zu binden vñ wider aufzulösen/ nicht die
Sünde ledig zu sprechen/ oder ire sünde zubehalten/ sondern alle
König vnd Fürsten der Erden an ein Ketten zufäßlen/ vnd vber
allen irdischen gewalt ein vnendliche Tyranny zu üben/ Was
S. Hieronymus/ Augustinus vnd ire Gesellen die herliche liech
ter der Christenheit wider herfür kommen solten/ dises Göttlichen
Schiffs Stifter/ was würden sie nur zu dieser zeit sagen/ da sie
an statt S. Peters so ein Professor der Armut gewesen/ ein Pres
ceptor der Demütigkeit/ ein Exempel der Einfalt/ ein Vermahn
er zur Gehorsame/ sehen würden/ ein auffgeblasenen Cresum/
leuchtend von Gold vnd Silber/ mit vil Kronen gekrönet/ mit
vilen Farben vnd Purpur bekleidet/ voller Silber vñ Perl
geschmückt vnd gezieret/ wie ein Baiazet oder Soliman auff ei
nem brächtigen Thron hoch erhaben/ mit Wachen/ Soldaten
vnd besatzungen umbgeben/ vnd einer herlichen grossen Hoffhal
tung/ der stölgiglich Himmel vnd Erden gebeut/ der die Fürsten

Gründliche entdeckung der Kron Frankreich/

Thumben gibet vnd nimpt wem er wil/ vnd der ganzen Welt bes
zirek mit süßen tritt? Was würden sie meinen daß sie sehen würd
den sie es nicht dafür halten/ anstatt da sie gedächten allhie hoch
erhaben seyn/ daß sie hergegen in der Helle spacirten / vnd anstatt
S. Peters Nachkommen Gott Pluton/ vnd der Reichthumb
bey einen glumppen Goldes angefesselt sehen. Aber was? solches
zusagen ist der Hurnussen Feuer entgegen getragen / vnd die
Wespen zum angel reizen. Wann wirdt als bald schreyen/
Holla Keger / vnd dich höre es schon in meinen Ohren klingen
vnd schreyen/ Nun wolan. Die Wahrheit erzürne sie wie sie
wolle / vnd mache sie vor Zorn wie ein auffgeblasenen Bal
len springen. Sie tondern vnd hageln so vil sie wollen/ so muß
sie doch wider ihr vngestümme vnd vn Sinnigkeit gesagt werden.
Ich beruffe Gott meiner Rede zum zeugen / vnd den Allmächt
igen zur Raach so ich falsch sage. Daß ich bin / auch je vnd
allwegen gut Chatholisch gewesen / vnd hab der Calumini
schen oder Lutherischen Lehr nie angehangen oder beygefallen/
Vnd nicht desto weniger alledieweil ich auff Erden lebe / solle
man mich nicht dafür achten als ob ich der Sinn beraubt vnd
nicht der geschicklichkeit sey / daß ich gute vnd böse ding kosten vnd
vnterscheiden können.

Ich sage es darumb/ daß S. Peter sich nie nichts wider
den Keyser vnternommen/ daß er sich nie zeitlichen Gewalts an
gemast/ welches Gott selber verbotten/ vnd hat solches mit sei
nem Exempel/ daß er seiner Lehr zu wider bezeuget. Darumb
kann der Pabst G. Det nicht nachthun / vnd so ersthut/ so ist es ein
gewaltige annassung. Aber wir wollen dise meinungen alle hin
dan stellen/ vnd noch weiters sehen was wir von den Spaniern
zu hoffen haben.

Der König ist alt / gehet albereit in die aberwis/ vnd hat schon
den einen Fuß im grab/ dessen Stand vnd Wesen jetzt wackelt/
vnd thut nichts anders dann daß sie warten wann das stundlein
auf

gegen ihren Inwohnern vnd besonders den Parisern.

aufgeloffen/ sie das Joch von sich werffen. Sein Reich ist wie ein Büffet von vilen Farben vnd stücken zusammen gespeltelt/ es ist zusammen geflickt von vurechtmässigen Gesuch/ vnd geraubten dingz/ es ist fundiert vnd bestehet auff gewalt/ wird auch mit gewalt erhalten? Vnd welches durch eines andern Gewalt erster tagen wider zerrissen vnnnd zertrennet werden/ Wann solches geschicht/ wie es dann geschehen wirdt/ wo wird ewer hilff seyn? Ihr werd euch wie man sagt/ mit einem Fuß nacket/ vnd mit dem andern angethan befinden/ vnd ein rinden Brots zwischen zweyen Messern. Als dann werdet jr die gerechte straff geschwächter vnd gebrochener trew vnd Glauben nicht entfliehen können/ wo euch der/ so dessen gut fug vnd recht hat/ anthun wird/ Was dann? der Pupill vnd Infant in Hispanien werden sie euch noch mit diesem schlag bedecken/ Ir habt genugsam erfahren/ was es ist vnder der weiber vnd Minderjartigen regierung zuseyn/ vnd haltets dafür/ das sie mit jnen genug zuthun werden haben/ vnnnd nicht vber die Eyrewer vnd außreuterung ire fettlich außbreiten. Aber doch wir wollen ewerer hoffnung den lauff lassen/ vnnnd der König lebe so lang das er Franckreich erobere/ oder gebt ihm frey gutwillig. Was meynt jr das er mit euch thun werde? Meynt jr nicht das ers dafür halten wird/ das ewer verzweiflung/ vnd nicht die liebe so jr zu jme tragt/ im euch ergeben? Meinet jr nicht das Exempel ewer trewlosigkeit werde jme ewern glauben verächtlich machen/ vnd das Laster ewer grimmigkeit werde jme nit allwegen seinen natürlichen geruch bringen? Vorauff würd er dieses neue erlangte Reich/ vnd den bestand ewerer Vnterthenigkeit vnd gehorsame beuestigen können/ wann er betrachten vnd erwegen wirt mit was Leuten er zuthun haben wird/ dann allein auff gewalt/ eisen vnd bandeauff das erbärmliche spectacul des Galgens/ vnd auf grosse besagungen? Ihr solt in gar keine zweifel setzen/ das es nicht also ergehen werde/ vnd das ihr euwerer Verdienst würdigen lohn bekommen werd.

Nun

Gründliche entdeckung der Kron Frankreich/

Nun laßt vns noch weiter schreiten/ vnd dise betrachtungen auch auff ein ort rucken/ Wir wollen zugeben jr seyen starck genug/ alle Götliche vnd Weltliche Recht zu corrupiren vnnnd vnter einander zu vermischen vnd die Succelsion der Fürsten vmbzufferen: Wo wirdt zuletzt die Monarchi hinkommen? In wievil kleine Bäcklein wird dieser grosser Fluß / wann sein rechter natürlicher Canal zerbrochen ist / zertheilet werden. Der Spanier wird ein Prouins/ v. Herzog von Mayne ein andere/ der Marggraff von Pont vnd der Herzog von Sauoy jeder die seine nemen/ Wie vil andere Herren werden ihr räthlich bedencken auch darbey haben? Wie vil Tyranneyen werden sich einmischen/ wie vil kleine Oberkeiße einschleichen? Wie viel Sädte für sich selbst seyn/ Vnd wan nun solche gestalt dieses erbärmlichen standes sich also begeben wird/ betrachtet was jr als dann sein / vnd wohin ihr kommen werd. Ir werdet in ewiger Feindschafft vnd Kriege mit ewern Nachbahren ligen/ in einer tagreise werdet jr auß euwrem Land seyn / vnd wie ein Vögelin in dem Köffig allenthalben vns her benachbart/ oder wie ein Fisch auß dem grossen Meer inn ein kleins Wässerlein heraus gezogen / also werdet jr ewer libertet vnd freyheit vnder gedruckt befinden / vnd allwegen wünschhen daß jr nie gewesen weren.

Wann nun alle billiche Mittel/ mit euch verstorben seynd/ so laßt doch den Handel selber euch vnterrichten: Vrtheilet nicht vom Feuer allein anrierend / oder von dem Licht des tags/wann jr nur die Augen auffthut: beseheth was jr von anfang dieses auffruhrs angerichtet / vnd wohin ewere sachen gerathen seynd/ ewere Stadt ist im Vntergang / ewer vermögen ist erschöpfft / ewere macht zerbrochē/ ewer Bundgenossen verwirret/ vnd ewere eigene Narung also außgetrucknet/ daß euch albereit der Hunger vntertrückt / die Vngerechtigkeit ewerer sacht redet öffentlich/ Gott streittet wider euch/ seine Hulde hat euch verlassen/ vnd sein raach verfolget euch / alles gehet euch wider sinne/ vnnnd alles was jr ansahet hat ein bösen außgang. Was sagt ihr von der schlacht zu Genliß

gegen jren Inwohnern besonders den Parisern.

Senlis da zehen Mann hundert/ vnd hundert/ tausent geschlagen haben? Was sagt jr von kleinen vnd grossen streitten/ da jr allwegen vnden gelegen seydt? Was vrtheilt jr von dem Angrieff zu Arques/ da vierhundert Pferd tausent auffgehalten/ was sage ich auffgehalten/ ja angereut/ in sie gefallen vnd schlagend bis in jr Heer/ von vier tausent Mannen bestellet getrieben/ da sie ihre beste Hauptleut verloren. Wer hat solche rühmlische That verrichtet? Es ist der König/ welcher allwegen in eigener Person der erste im angriff vnd der letzte im abzug gewesen. Vnd wie die Körblinträger vnser Gnad Frauen von Compiensier seinen verlust vnd niderlag in der Statt Paris außgeruffen/ habt jr in als ein schnellen Blix vor ewern Thoren sich erzeigen gesehen/ der euch andere zeitungen bracht/ welches jr eben zur selbst zeit mit ewerm schaden innen worden/ in dem er ewere Vorstädte mit solcher erstunung vnd entsetzung ewerer Schussherren/ vnd in gemein verzagung oberwältiget/ das man nichts dann heulen vnd seuffzen als lenthaltben gehört/ da sich nicht ein einiger Soldat in der Stadt/ dieselbig zubeschirmen hette sehen lassen. Vnd wann der fromme Fürst nicht mehr ewer Wolfart als jr selbst geschewet/ vnd wo er nicht des raubens vnd bländern geförchtet/ so weren jr albereit sein gewesen/ vnd were euch ewer Hilff vil zu spat kommen. Es mißfält mir sehr/ das jr allwegen so Knöpfisch vnd vnuerständig seydt/ vnd euch durch die Narrenteding vnser Gnad Frauen von Compiensier/ vnd andere Weiberdant/ die kaum ein Kind zweymal damit betriegen möchten/ stets mit ihrem gewöhnlichen Gänßschnadern vffhalten lassen. Ewer Leben vnd ewer wolfart wird erhaltet mit durchribenen müßlin erlabungen/ vnd kleinen Künstlin vnser Frauen von Compiensier/ sie neeret euch mit färbildungen vnd kleinen erdichte schriften/ baldschreyet man von einer niderlag/ bald der Kattē vñ Meuse todt/ bald eines Hauptmanns abgang/ vnd solches theilet man euch mit für ewer gelt/ Vnd in des ewer general Leutenampt euch den schnabel

Gründliche entdeckung der Kron Franckreich/

steiff zuhalt/ euch ein Glöcklin vnd Kinderwiege in die hand gibt/
 mit Klettüchlin wie die Kinder zicret vnd seine geschafft vnter euch
 verrichtet/ so seyt jr armfelige Leut gehorsam. Aber sagt mir wer
 hat dem Herzogen von Mayne solchen wichtigen vnd herrlichen
 befehl des Generals Leutenampis der Kron Franckreich auffge-
 tragen? Imperator/ König/ Monarch/ seynd das nit wie mans
 nennet Synonima? seynd das nit Titul grosser dignitet vnd wir-
 de/ seynd es dreissig oder vierzig Lauchart oder Oluirs/ die in
 Franckreich solchen neuwen höchsten Magistrat gesetzt? Die
 Messger zu Paris wolten zur zeit König Conrads des sechsten
 dem Herzogen von Burgundi wo sie im zu dieser grossen Thor-
 heit daughlich befunde/ solches auch gethon haben. Was ist das für
 ein lächerlich ding/ die höchste dignitet/ die niemands wer der auch
 ist/ Ja nicht durch die drey stände in Franckreich selbs/ bey lebzei-
 ten des Königs/ Rhonte auffgetragen werden/ Die ist nicht desto
 weniger dem Herzogen von Mayne vbergeben/ vnd das von ei-
 ner geringen anzal eitlicher des gemeinen Volcks / zu eussersten
 spott aller Stände vnd sonderlich der Ritterschafft/ denen es als
 das vornembste Glied der Monarchi/ am meisten berüret/ Auch
 sieht man nit einen rechten vom Adel der in für solchen erkennet/
 noch vnter seinem Fänlin reitet. Vnd obs schon etwan einer
 gethan/ so bald er sich recht bedacht/ hat er sich wider dauon ge-
 macht/ vnnnd wol gemerckt/ das er der Kauffleut Prouos vnnnd
 Schöffel zu Paris ist/ vnd zu solchem noch nit gebürlicher weise
 erwählet/ Er ist des Volcks zumffmeister/ vnnnd sein vnnnd ewer
 Krieg ist des Volcks Krieg wider die Königlichen vnd Aristocra-
 tischen Stände/ vnnnd den ganzen Adel inn Franckreich. Dann
 on zweiffel vnd männiglichem spürt s klärlich/ das ewer meinung
 euch inn ein Democratiam zuentsreyen/ vnnnd das ihr wolt von
 Zunftmeistern vnd gemeinem Magistrat regiert seyn/ vnnnd ewern
 Gewalt ober alle andere Stätte in Franckreich erheben den gan-
 zen Adel aufstulgen/ vnnnd alle ire Güter innefien. Seynd das nit
 die gemeine vnd gewöhnliche Discours ewere auffrührische Predi-
 ger/

gegen ihren Inwonern/besonders den Parisern.
ger / das die ganze Ritterschafft Kezerisch / das si ein Feind des
gemeinen Volcks standes seye/ vnd das sie sich ewerer meinung
widerfaze/ vnnnd das man sie müsse hinwegraumen? Sie haben
nichts im Mund dan Blut/ Wordi/ Todtschlag/ sie redē nichts
dann von mordten vnd todtschlagen/ henccken vnd brennen/ vnd
solche abschewliche wort sein irer Zungen wollust.

Aber wer kan vor zerspringen die eusserste Vnmässigkeit
vnd ungefüme dieser Nachtgeister vnnnd wütender Feuer anzün-
der erzehlen? Ein vnverschampier Blutschänder Pichenart
vnd fünf oder sechs andere seiner Gefellen / seynd so vil gemeiner
straffen werckzeug gewesen / welche sich nit haben sättigen lassen/
das sie einen verzweiffelten Mönch erwecken vnsern König vmb
besoldung vmbzubringen vnd zuermorden / sondern nach seinem
todt haben sie allererst die vnverschampien vnd stinckende schmas-
chen / die auch das allerlästerlichst Münstet in der Helle nicht er-
dencken können / auß iren vnreinen Herzen außgegossen. Was
für abschewlichere Gottlosigkeit könten seyn / das sie bey zeit sei-
nes Lebens vnd nach seine todt Gott für iue zubitten / vnverscham-
pter weise verbotten? Was für Christliche unterweisungen seynd
das auß dem mund der grewliche Scythen? Gott befilcht vns al-
lenenthalben die barmhertzigkeit / er gebeut vns für vnser Feinde zu-
bitten / vnnnd vntersagt vns die Raach / Das seynd die wort vnnnd
der rechte weg der vns zur seligkeit füret / vnd dise blutdürstigen
Monster schlagen offentlich die Trummen / sie predigen vom
Krieg / von der raach / vnnnd verbietten Gott für ewern König wes-
der lebendig noch todt zubitten.

Wan sie nun wider Gott selbs predigten / wolten irs Glaus-
ben? Seyd jr so gar aller Sinn vnnnd der Erlaantnus des gu-
ten beraubt / das es vnter euch böse Geister seynd / vnnnd
Schlangen der Finsternus die euch verführen / das es Geis-
ter des Kriegs vnd Vneinigheit seynd / die euch den Wege zum
Verderben weisen? Aber sie haben euch noch ein ander He-

vor die er
in vns h. vnn
mit zu bittet

Gründliche entdeckung der Kron Frankreich

roisch vnnnd fürtrefflich Stücklin der Mönch verheissen / nemlich bald vnsern König vmb bestimpten lohn vmbbringen zulassen / sie haben sag ich / zehen oder zwölff verzweiffelte Duben die sich solches vnderwunden / vnd da er derselben keines Hnandentpflichten kan / sagen sie euch inn ein Ohr / habt gedult man wird bald disen Zweig herfür sprossen vnnnd grünen sehen. Aber **G D E** vnnnd die Liebe seiner getrewen Vnterthanen vnnnd Diener werden in dafür bewaren / Vnd ire böse Rahtschlåg werden durch seine Fürsèhung zertrennet werden. Vnd wan gleich schon solch verflucht fürnemmen seinen fortgang gewünne / meinethr daß es darumb werde besser werden / vnnnd daß für einen Menschen / so sich euwerer Mißhandlung widersetzt / nicht **G D E** hergegen hundert erwecke. Vnnnd zweiffelt nicht / dann daß eben dieselben Schäden / inn Verfolgung eben desselben guten / zu beuestigung eben eines gemeinen Nuzes / vnd eben einer sachen / die Länder vnd dieselben Leute wider zusammen verbunden werden. Vnd macht euch die Rechnung / wo euwer züchtigung sich ein zeitlang verweilet / daß hergegen die schärfste der straff den vorzug wird erstatten. Darumb liebe Herren weisen euch alle dise verzweiffelte Fürschlåg / gefährliche gehe wege / daß zu allen seiten wo jr euch hinwendet / euwer Verderben allwegen zwen schritt näher bey euch ist. Vnd nicht desto weniger / wo jr den kopff auff die Strasse / die ihr fliehet / richten wolten / wurden ihr als bald mit der gewissen sichern ruhe alle Volfart zu gutem genügen nach ewerm wunsch finden. Ihr werdet mit einem Fürsten ewern naturlichen König voller güte vnnnd sanfftemut zu thun haben / welcher euch die Hand beut / vnnnd euch zu Gnaden mit so gerechten vnd billichen mitteln vnd bedingungen auffnemmen wurd / daß jr euch wegen verloffener Handlungen im geringsten nichts gegen ime zubeförchten haben werd. Das ist die gewiß vnd sicherst Franckösisch Condition. Dann wie dises Haupt das hand ist / welches alle andere Glieder diser Monarchi

Woll man warin
gen vmbtrage


gegen iren Inwohnern/besonders den Partfern.

Chi zieret/ vnnnd inn Einigkeit erhaltet/ Also ist auch on zweiffel
wo dasselbig dem Leib mangelt/ vnmöglich daß alle andere theil/
(gleich wie die stück eines Schiffbruchs/ durch das Ungewitter
erschlage vnd hin vnd her in widerwertige ort zerstreuet/ bestehen
vnd erhalten werden mögen. Ich weiß wol daß dise so blöde Aus-
gen haben/ auch der geringste Wind beweget/ vnd daß die jeni-
gen so ihr Gemüt auff Zwiiracht richten / die geringste Verles-
ung jr Verbitterung scheryffet/ vnnnd die liebe des Friedens ins
Vergeß machet stellen / Aber die Weissen vnnnd Verständigen
die lassen sich nimmermehr die Ungedult der gestalt einemmen/
daß sich nicht jederzeit ein gute stund finden/ in welcher nicht die
Vernunfft wie das Soltholz vber sich steige/ vnnnd allwegen vff
dem Wasser die oberhand behalte. Mich beduncket/nach dem
jr lang genug grund gesucht aber nicht finden können / daß ihr
inn das stille Meer ewer Ancker werffen / den Patron vnnnd die
Schiffarth ändern solten / welches vil leichter zuthun dann zu
sagen ist/ vnd mangelt nichts dann das wollen so ist schon gesche-
hen. Ich weiß wol daß die jenenigen so euch gern biß auffts letzte
Flämlin wolten brennen sehen/euch allweg die Religion im wege
fürwerffen/vnd durch solche lächerliche forcht vnterstehe sie euch
den Ingang des Hassens zubeschliessen. Aber wann jr solchen
verzauberten Nigeln hinweg schieben/ vnd euch/ was darinnen ist/
zu sehen schickten wolten. Würdet ihr den König finden inso ver-
nünftige Considerationen vnd betrachtungē. Vnd der sich des
wege auff so billiche mittel anerbeut/auch instruction vnd vnter-
richt zu empfangen geneigt/daß jr vnd alle andere gute Catholische
euch damit settigen zu lassen ursach haben werd. Er ist ein Fürst
der glauben halt/ein Fürst der Warhafftig vnd vber auß vffricht-
tig ist/der Gott fürcht/der seine reden nie verkehret/noch in seiner
zusage befehlet. Vnd so jr die mittel des fridens vnd sichern Son-
nenschein verwerffe/ vnd in ewerer Halsstarrigkeit verharret/so
ist vmb ewer Heil vnd Wolfart geschehen / vnd ewer Vnter-

Gründliche entdeckung der Kron Frankreich/
gang gegenwärtig gewis vnd vnuermeidlich / vnd da euch die
Sanftmütigkeit nicht hin vermöcht het / das wird gewalt mit eis
ner so denckwürdigen Züchtigung zu wegen bringen / das
syr allen nachkommenen zum Spiegel vnd
Exempel seyn werd.

Ende.





1746409